



partii naleraq

1. Oktober

UKA 2020/187

**Uunga siunnersuut: Siusinaartumik pensionisiat pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2020- imeersoq. (Qulaajaanerit, piginnaanngorsaqqiinerit, najukkani pissutsit pissutigalugit tapiissuteqartitsigallannerit aamma Siusinaartumik pensionisiaqarnermut maalaaruteqartarfimmut maalaaruteqarsinnaaneq pillugu erseqqissaaneq. (Isumaginninnermut, Ilaqutariinnut Inatsisinillu Atuutsitsinermut Naalakkersuisoq)**

Siusinaartumik pensionisiat pillugit Inatsisartut inatsisaata allanngortineqarnissaa pillugu matumuuna saqqummiussaqaagut.

Ilaqarpugut inuiaqatigiinni ilaatigut nappaammik eqqorneqarlutik sulisinnaanermikkut killeqalersimasunik. Ilaqarpugut sulillutik oqimaatsulerinermikkut sulisinnaanermikkut killeqalersimasunik taamatullu inisseqqaluni ilaqutariinnik napatitsiniarneq pilersuisinnaanerlu assut ilungersunartumik inisseqqasartuq inuit taamatut eqqorneqarsimasut oqaatigisarpaat.

Siusinaartumik pensionit pillugit saqqummiussaqa aammalu inatsisartut inatsisissaattut allannguteqartitsiniarnerit soorunami peqataaffigalugillu oqalliseqataaffigerusuppagut, tassami innuttaaqatigut pineqarput ilaatigut inuit oqitsuinnaanngitsumik inuuniarnikkut eqqorneqarsimasut.

Nunatsinni sumiiffiit amerlanerpaani sulinermi inuup nukinga annertunerpaamik atugarinikuuarput sorpassuartigut maskinat sulinermi nukissornermilu oqilisaassisinnaasut annertunerusumik ullumikkumut naleqqiullugit atugaanerunngikkallarmata.

Eqqaamalluarpara meeraalluta suut tamarmik inuup nukinga atorlugu ingerlanneqartartut. Tupinnanngitsumillu massakkut inupparujussuit timimikkut innarlerneqarsimaneerit takusinnaasagut malunnarluartarput ilaatigut sulivallaarnermikkut timimikkut innarluuteqalersimallutik

Taamaakkaluartoq ilaatigut ikiorneqarsinnaanermikkut assut ajornartorsiuteqarlutik inisseqqasarput ilaatigut allaat oqaatigineqartarput inunnik taamak eqqorneqarsimasunik misinnartarluniigooq ilaanni soqutigineqanngitsutut aammalu suliumanngitsutut nalilersorneqartutut uffalu ilaatigut inuttut ingerlariaqqinissaminnut ikiorneqarnissartik pisariaqartikkaluarlugu. Tassami sulisinnaanertik killeqarlunnalersimasoq namminneq ilisimagamikku.



Allaffissornikkut sullissinerit inunnut eqqorneqarsimasunut pitsaannerusumik sukkanerusumillu suliarineqartarnissaat sullinneqartarnissaallu anguneqartariaqalerpoq.

Uani inatsisissami ilaatigut anguniagaavoq kommunalbestyrelsip siusinaartumik pensionisiaqalernissaq pillugu aalajangiinerata kingorna aatsaat qaammatip ataatsip kingorna siusinaartumik pensionisiat inummut pineqartumut atuutsinneqartalissasut. Taamattut siunnersuuteqarneq oqaatigissavarput ersarissumik tamanna Partii Naleqqap akkerlerimmagu makku pissutigalugit.

Innuttasut taamatut ikiorneqarnissaminnik qinnuteqarsimasut ajorluinnartumik ilaatigut puigorneqartarput sivisoorujussuarmillu utaqqisinneqartarlutik. Sivisuumillu utaqqinerminni ilaatigut inuttut annaasaqarujussuarterput ilaatigut akiligassapassuaqalertarlutik tamannalu assut inuttut nakkassutigisarlu. Taamaattumik isumaqatiginngilarput kommunalbestyrelsip aalajangernerisa kingorna aatsaat tunniunneqartassasut inatsisissami siunnersuutigineqartoq.

Tassami ilaat sivisoorujussuarmik utaqqisarsimapput, pappiaqqat tammarsimasut, imaluunniit puigorneqarsimasut pissutigalugit. Tamanna akuersaarneqarsinnaanngilaq pisortat pikkorliornerat pissutigalugu ullorpassuit utaqqisariaqartarnerit ilaatigut inuttut nakkativittarnerat akiligassatigut inuuniarnikkullu eqqornerlunneqatigisarpaat kiffartuussinerup pitsanngippallaartarnera pissutigalu. Taamaattumik pisortanut saaffiginninnermi ulloq aallarnerfigalugu pisassaasa aallartitarnissaat inatsimmik tunngavissineqartariaqarpoq.

Imaattariaqanngilarmi sullissinerlunnerup kingorna inuit pineqartut eqqornerlunneqarujussuassasut.

Sullissineq pitsaannerunilu sukkanerusumik ingerlassappat saaffiginniffik ulloq siulleq atulersinneqartariaqarpoq. Taamaaliornikkut anguneqassamat suliassat kingusinaarunneqaratik suliaralugit aallartitarnissaat, puigorneqarsimappatalu kommunalbestyrelsip akisussaaffik tigusariaqarmagu. Tassami pikkorliornermi inuk pineqartoq pillarneqarsinnaanngilaq ullorpassuit qaammatillu qaangiussortut utaqquarluni ilaatigut ilaqutariit eqqornerlunneqarujussuarternerat akisussaaffimmik sullissinerliortumik nammattussanngorlugit.

Inuiaqatigiinni peqqillutik ilaatigut nuliaasoq uisorluunniit sulereerlutik ilaatigut taamak eqqorneqarsimasut assut ilungersunartumik atugaqalertarput ilaatigut inuuniarnikkut artornartumik atugalertarlutik napparsimalerminni allaat inuttut naleqassuseq annaaneqartutut ittarluni.



partii naleraq

Siusinaartumik pensionisiat aapparisap ukiumut aningaasarsiarisinnaasai aallaavigalugit annertussusaat aalajangersarneqartarput. Tamanna aamma allanngortariaqarpoq tassami inuit ukiorpassuarni ilaatigut sulereerlutik sulisinnaajunnaarlutik inuttut naleqassusiat assut apparsarneqartarmat. Tassanilu ilaatigut sulisinnaajunnaavissimasut sunngitsunnguamik aningaasanik isumagineqartarput tunitiiginnartunngorlutik. Tamanna inoqaatigiit iluanni inoqataanermi toqqissimanissamillu assut pineqartunut innarliisarmat ajukkuttunngortitsisarluni.

Taamaattumik aapparisap isertitai aallaavigiunnaarlugit aaqqissuussinissat tikinneqartariaqarput aamma utoqqalinersiutit ilanngullugit aaqqillugit.

Siusinaartumik pensioneartussat sulisinnaanerisa pingaartillugu misissuiffigineqartarnissaa sulinerikkullu misilerarneqartarnissaat sumiiffini amerlasuuni eqqortikkuminaalluinnartussaavoq tassami suliffiit misiliiffissat nunaqarfinni illoqarfinni isorliunerusunilu amigaataasorujussuupput aallaat tamanna naammassineqarsinnaanaviarani illoqarfinnut anginerusunut sulinermik misiliartortarnissat inissinniannikkaanni.

Ukiuni makkunani ilaatigut sumiiffinni nakorsiarniartarnerit ajornakusoorluinnartut eqqarsaatigissagaanni taava isorliunerusuni najugallit sumi nakorsamik misissorneqassappat, nunaqarfiillu amerlasuut peqqissaasumik sulisoqanngimmataluunnit, ilami illoqarfiit ilaat nakorsaqqanngimmataluunniit.

Ilami illoqarfiit akornanni biilertoqarsinnaanngivippoq taamaattumik takorlukkanat suliffissallu amigaataareertigisut ilaatigut inatsimmik tunngaveqarpiannngitsumik inatsisiliorniarneput ilumut tamakkiisumik piviusumik aallaveqarnerisut takujuminaapput.

Taamatut oqaaseqarluta ataatsimiititaliami suliarineqarnissaat innersuussutigaarput.

Hans Enoksen